

Вольбы
президента Словацкой републики

Інформації про воліча

I

Датум і час реалізації волеб

Вольбы президента Словацкой републики будуть
в субботу 16. 03. 2019 од 7:00 до 22:00 години.

Кедь у першім колі волеб ани єден з кандідатів на президента Словацкой републики не дістане надполовинну векшыну платных голосів волічів, буде друге коло волеб

в субботу 30. 03. 2019 од 7:00 до 22:00 години.

II

Право волити

Право волити президента Словацкой републики мають обчан Словацкой републики, котрый має право волити до Народной рады Словацкой републики, т. є. обчан Словацкой републики, котрый найпізніше в день волеб досяг вік 18 років.

Право волити є в конфлікті зо законным окліщінєм особной слободы на основі охрани публічного здравя.

III

Право быти воленым

За президента Словацкой републики може быти зволений обчан Словацкой републики, котрый має право быти воленым за посланця Народной рады Словацкой републики і найпізніше в день волеб досяг вік 40 років.

Право быти воленым є в конфлікті з:

- заарештованєм,
- правоплатным одсуджінєм за напланованый кримінальный чін, помы одсуджіня не было заглажене,
- однятєм способности робити правны діла.

IV

Легітімація на голосованя

Воліч, котрый стабільно быває на теріторії Словацкой републики і в день волеб не буде мочі волити в місті свого стабільного бываня у волебнім раєні, де є записаний в списку волічів, може пожадати **од села свого стабільного бываня** легітімацію на голосованя. Село на пожаданя волічови выставить легітімацію на голосованя і вычаркне го зо списку волічів з позначков, же му выдало легітімацію на голосованя.

Легітімація на голосованя дає право на записаня до списку волічів у будькотрім волебнім раєні.

Село выдасть волічови легітімацію на голосованя лем на тот день реалізації волеб президента Словацкой републики, котрый воліч увів у своїй жадости. Воліч може пожадати од села свого стабільного бываня легітімацію на

голосования на перше і друге коло волеб президента Словацькой републіки нараз. Тота пожадка мусить быти ясна із жадости воліча.

Воліч може пожадати легітімацію на голосования:

особно,

найпізніше в послідній робітний день перед днём волеб (т. є. Напізніше 15. 3. 2019; *про друге коло волеб найпізніше 29. 3. 2019*) в урядных годинах села.

Село выдасть легітімацію на голосования безодкладно,

у формі листины так,

жебы жадость о выданя легітімації на голосования была доручена селу найпізніше 15 робітных днів перед днём волеб (т. є. Напізніше 25. 2. 2019 ; *про друге коло волеб найпізніше 11. 3. 2019*),

електронічнов формов так,

жебы жадость о выданя легітімації на голосования была доручена селу найпізніше 15 робітных днів перед днём волеб (т. є. Напізніше 25. 2. 2019; *про друге коло волеб найпізніше 11. 3. 2019*). Село про такы припады опублікує на своїм вебсайті електронічну (і-мейлову) адресу на посыланя жадостей. Кедь село не має свій вебсайт, опублікує електронічну адресу на посыланя жадостей на урядній таблі села.

В жадости мусять быти уведжены такы інформації о волічови:

- мено і призвіско,
- родне чісло,
- штатне обчанство,
- адреса стабільного биваня (село, уліця, чісло дому),
- поштова адреса, на котру село зажене легітімацію на голосования.

посередництвом особы, уповномоченой жадателём

мож пожадати легітімацію на голосования найпізніше в послідній день перед днём реалізації волеб (т. є. Напізніше 15. 3. 2019 ; *про друге коло волеб найпізніше 29. 3. 2019*)

В жадости мусять быти уведжены такы інформації о волічови:

- мено і призвіско,
- родне чісло,
- штатне обчанство,
- адреса стабільного биваня (село, уліця, чісло дому).

Село зажене легітімацію на голосования волічови на адресу стабільного биваня, кедь в жадости не уведе іншу поштову адресу, найпізніше до трёх робітных днів од доручіня жадости. Село зажене легітімацію на голосования на адресу уведжену в жадости рекомандо-писмом „*До властных рук*“.

Кедь воліч в писомній або електронічній жадости уведе, же легітімацію на голосования перебере інша особа, мусить в жадости увести ей мено, призвіско і чісло обчаньской легітімації. Підпис воліча на жадости не мусить быти урядно овірений. Тота особа повинна перевзятя легітімації на голосования потвердити своїм підписом.

Воліч, котрому была выдана легітімація на голосования, може волити ай у волебній містности подля міста свого стабільного биваня, але лем з легітімацієв на голосования.

**Легітімація на голосованя є платна лем на тот день реалізації волеб,
котрого датум є на ній уведжений, і лем із обчаньсков легітімацієв.**

V

Способ голосованя

Воліч повинный по приході до волебной містности превказати реённій волебній комісії свою тотожность обчаньсков легітімацієв. Кедь была волічови на ёго жадость выдана легітімація на голосованя, предложить ведно з обчаньсков легітімацієв легітімацію на голосованя, котру му раённа волебна комісія одобере. Потім раённа волебна комісія закрузкує порядкове чісло воліча в списку волічів і выдасть волічови лист на голосованя і порожню копертку з уряднов печатков села.

Обчан Словацькой републікы, котрый найпізніше в день волеб досяг вік 18 років, не має місто стабільного бываня на теріторії Словацькой републікы і вступив у день реалізації волеб до волебной містности, превкаже свою тотожность словацькым паспортом а сучасно раённій волебній комісії укаже честне выголошіня о місті стабільного бываня в заграничу, котрого взор опублікує Міністерство внутра Словацькой републікы на своїм вебсайті. Раённа волебна комісія такого воліча допише до списку волічів, што зазначить до ёго словацького паспорту, а честне выголошіня о місті стабільного бываня в заграничу припоїть к списку волічів. Потім раённа волебна комісія выдасть волічови лист на голосованя і порожню копертку з уряднов печатков села.

Перевзятя листу на голосованя і копертки потвердить воліч у списку волічів властноручным підписом.

Каждый воліч повинный перед голосованём одобрати ся до выділеной части містности, в котрій може управити лист на голосованя. Волічови, котрый не вступить до того простору, раённа волебна комісія не доволить голосовати.

У выділеній части містности, в котрій мож управити лист на голосованя, воліч на листі голосованя закрузкує порядкове чісло кандідата, котрому вирішив дати свій голос. Воліч може закрузковати порядкове чісло лем єдного кандідата. Кедь воліч закрузкує веце порядковых чісел кандідатів, такий лист на голосованя є неплатный. Управлений лист на голосованя вложить воліч до копертки і наслідно до волебной урны.

На пожаданя воліча раённа волебна комісія выдасть волічови за некоректно управлений лист на голосованя другый. Некоректно управлений лист на голосованя вложить до ладічки на одложіня несхоснованых або некоректно управленых листів на голосованя.

Воліч, котрый сам не може управити лист на голосованя із здравотных причін або зато, же не може читати або писати і **перед голосованём поінформує о тім факті раённу волебну комісію**, має право взяти із собов до выділеной части містности, в котрій мож управити лист на голосованя, іншу способну особу, жебы подля ёго інструкцій і закона управила лист на голосованя і вложыла го до копертки; таков особов не може быти член раённой волебной комісії. Обидві особы перед вступом до до выділеной части містности, в котрій мож управити лист на голосованя, член раённой волебной комісії поучить о способі голосованя і о криміналінім skutку в припаді нарушования приправы волеб і волебного процесу.

За воліча, котрый не може із здравотных прічін сам вложыти копертку до волебной урны, може ю до нёй на ёго пожадана вложыти інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічін, має право пожадати село а в день реалізаціі волеб раённу волебну комісію одголосовати до переносной волебной урны, а то лем на теріторіі волебного раёну, про котрый была раённа волебна комісія створена.

Воліч повинный одложыти некоректно управлений лист на голосованя до запечатованой ладічкы на несхоснованы або некоректно управлены листы на голосованя, бо інакше ся допустить перестулїня, за котре буде покутований сумов 33 евро.

Далшы інформаціі о вольбах презідента Словацькой републікы ся находят на вебсайті

www.minv.sk/?volby-prezidentsr